

Rabais bei Virton an der Belscht



dem Präsident säin Dag

Haut Samschdes den 23. März wor et erëm esouwäit, Rabais wor ungesot an do wees jidereen direct wat dat heescht.

Dat ass deen Dag ewou mir besonnesch schounend mat eise President emgoën müssen ewell den Dag no der Generalversammlung emmer Him geschold ass. Hien dierf dann d' Memberen vum Flyfishing Club verwinnen ewell mir annerwärts dat ganz Joër mat Him geplot sin, wat mir awer gären op eis huelen ewell mir eis bewosst sin dass et keen besseren Präsident fir eis kann gin ewei den Jeck et ass.

Genuch gebauchpinselt, mir haten eis also zu enger 30 Méckenfischer zu Rabais getraff fir et mat den widregen Wiederverhältnesser opzehuelen. Haten mir um Virdag nach eng wonnerbar harmonesch Generalversammlung dierfen erliwen, sin mir beim fischen awer direct erëm op den Buedem zeréck gehol gin. 0° bis héchstens 2° Grad an fir dat Ganz ofzeronnen een äisegen Wand, dat woren d' Viraussetzungen ennert deenen mir ungetrueden sin. Komescher Weis sin Moies awer vill Fesch op drechen Mécken gefaangen gin!





Fir unzefänken hun ech Haut geléiert dass den Marco den Roger ass an dass den Roger och net den Brudder ass mée den Kolleg..... ech hat an méngem leschten Bericht fäichlerscherweis den Roger als Brudder vum Marc Duton bezeechnet an hat Hien och nach Marco vernannt, do wor ewuel d'Fantasie ee bëssen mat mir duurchgaangen mée wann een déi Zweek niewend enneen gesäit dann kéinten Sie awer duurchaus als Bridder duurchgoën..... Sorry et kënnt net méih vir.



Mat vun der Parti waren niewend den Memberen vum Flyfishing Club och éng selleschen Memberen vum Saumon Club Lëtzebuerg. Ewell ee puer vun eisen Fëscher och am Saumon Club aktiv sën, bid et sech un dass mir eis eemol am Joër gesin fir zesummen ze fëschen an besonnesch ewou mir dach all déi selwescht Passioun deelen. Rabais ass unsech een Séi deen sech unbidd wann een als Veräin wëll zesummen fëschen goën. Den Séi läit direkt laanscht Strooss ewou et och masség Parkgeleenheeten gin. Dodernieft ass ronderem den Séi ganz vill Plaz fir ze werfen wat et esouwuel den Unfänger

eweï och den Profiën erlaabt hir Passioun auszeliewen. Dodernieft huet den Séi vun Rabais éng erstaunlech gudd Waasserqualitéit an ass och ganz kloër, wat besonnesch déi Méckenfëschcher freet déi sech un der Nymhe a vue an um fëschchen mat der drechener Méck erfreën. Leider bid den Séi sech och beschdens un fir Kongkuren auszedroën wat mat sech bréngt dass d'Fësch ganz kriddelsch sín, méé wann een déi richteg Méck fond huet kann een dofir awer hei richtég Stärstonnen erliewen.





Den Mich huet ewei ëmmer iwwerdriwwen, ewei et awer un d'lessen gaangen ass hât Hien d'Äerm net méi wäit genuch ausernee kritt fir den Koup ze weisen deen Hien verdréckt huet.



Géint 12 Auer hun mir ons dun op den Apéro getraff deen an Form vun Champes mat pain surprise vum Prääsident gestëfft gin wor. Dat wor awer nëmmen den Unfank ewell duerno ass et mat Eintopf mat Mëttwurst weidergaangen fir am duurechen vun selleschen Toarten säin Héichpunkt ze fannen. Och dës woren vum Jeek matbruecht gin, Hien wees eben ëmmer ewei déif Hien an eiser Schold steet. Duerno hun mir dem Jeek och näischt méi nogedroën ewell esou gesiedegt gin zeguer déi rauhësten Brëdder erëm zu Lämmecher.





Mëttes hun déi wellesch et no déier üppeger Molzécht nach bei d'Waasser gepackt hun, et nach éng Kéier mam rauhén Klima opgehol mee d'Wiederkonditounen hun sech ëmmer méi verschlechtert an géint 4 Auer huet et dun och nach ungefaangen mat reenen. Mëttes sín och net méi esouvill Fësch gefaangen gín ewell mëtterweil den Wand esou zougeluecht hat dass och kéng Fësch méi gestiegen sín. Mir haten erëm éng schéin Sortie déi gewisen huet dass, och wann d'Wieder net ëmmer matspillt, d'Freed un eiser Passioun dach esou grouss ass dass mir eis ëmmer erëm op een Neis op den Weë maachen fir zesummen déi vill schéin Momenter beim fëschen ze erliewen. Elo steet eis Sortie op Lacroix sur meuse an d'Haus, do ewou mir dat leschten Joër och net verwinnt gín woren mam Wieder an direkt éng Woch drop ass den éischten Héichpunkt am Joër wann mir eis op den Weë an d'Vogesen maachen fir hoffentlech erëm zwee wonnerschéin Deg zu Saulxure sur moselotte ze verbréngen.